

## **Pol ndê bapia têḥ lau Kolosi-ḥga Yom whê bapia dindéc sa-ḥga**

Malac Kolosi yêc gameḥ Esia-ḥga, magoc Pol dau inḥ gêm mêtê yêc malac Kolosi dom. Têḥ ndoc inḥ gêm mêtê mbo malac Epesas, nanḥ ḥgac Kolosi-ḥga danḥ ḥaê Epapras ḥgô ma kêḥ whinḥ, ma tinḥambu Epapras mbu gi hoc ḥawaê ḥayham asê yêc ndê malachu Kolosi (1:7; 4:12), ma lau ḥatô sic hu sêkêḥ whinḥ Yisu. Tinḥambu Epapras ndôc gapocwalô whinḥ Pol (Pilemon 23), ma gic minḥ têḥ Pol pi lau sêkêḥ whinḥ-ḥga yêc malac Kolosi.

Pol to bapia dindéc ma sôm têḥ lau Kolosi-ḥga bu inḥ gêm danḥge Anötö tu ḥac si sêkêḥ whinḥ-ḥga, ma inḥ tôc lêḥ ḥayham daêsam têḥ lau sêkêḥ whinḥ-ḥga tu sêḥkuc-ḥga. Ma inḥ to yom ḥatô bu whê lau Kolosi si gauc sa pi yom ḥandô. Ḥahu bu lau ḥatô sêḥsôḥ ḥac pi lau nom-ḥga si lêḥ ḥatô (2:4, 8, 16-23), ma ḥac sêtoc Kilisi sa ḥapep dom, ma bocdinaḥ inḥ tôc asê bu Anötö kêḥ gêḥ hoḥ sêsoç Kilisi ḥapu (1:15-20; 2:9-15).

### *Pol gic hu ndê bapia*

<sup>1</sup> Aô Pol, nanḥ gati Yisu Kilisi ndê aposel kêkuc Anötö ndê atac whinḥ, lu yac neḥ asidôwa Timoti ato bapia dindéc. <sup>2</sup> Ato têḥ mac asidôwai nanḥ andôc malac atu Kolosi, mac lau dabuḥ nanḥ akêḥ whinḥ Kilisi. Mwasinḥ ti yom malô akêḥ Damaḥ Anötö têḥ mac.

*Pol teḥ mbec tu lau Kolosi-ḥga*

<sup>3</sup> Tôm bêc honj yac atenj mbec têtj Anötö, yac neñ Pômdau Yisu Kilisi Damba, ma am danje inj tu mac-nga. <sup>4</sup> Nahu bu yac anğô ñawaê bu mac akêñ whinj Yisu Kilisi ñanğa, ma atac whinj Anötö ndê lau dabuj honj. <sup>5</sup> Mac nem akêñ whinj ti atac whinj nahu sip mwasiñ atu nañ mac akêñ batam ambo, nañ Anötö po sa gwananñ tu mac-nga yêc undambê. Yom pi gêtj dau mac anğô munj su, têtj ndoc sêhoc yom ñandô ñawaê ñayham-nga asê têtj mac. <sup>6</sup> Nawaê ñayham dau têtj mac meñ, ma mac anğô ti anjalê yom ñandô pi Anötö ndê mwasiñ atu. Têtj ndoc mac anğô tiwakuc e meñ têtj kwahic dec, nañ ñawaê ñayham dau gêm ñandô ma tiapa yêc mac nem gameñ. Ma ñalêñ tigenj inj gêm ñandô ma tiapa ma gêm gameñ nañ lau Rom-nga sem gôlinj, nañ ahuc. <sup>7</sup> Nawaê dau Epapras kêdôhônj têtj mac. Inj yac neñ ngac atac whinj-nga nañ gêm gwelenj whinj yac, ma ngac akinj ñandô nañ gêm akinj Kilisi tu mac-nga. <sup>8</sup> Ma inj gic minj têtj yac pi mac nem lêñ atac whinj asidôwai-nga nañ Nalau Dabuj kêtj têtj mac.

<sup>9</sup> Tu dinan-nga têtj bêc ñamata-nga nañ yac anğô mac nem ñawaê e meñ têtj kwahic dec, nañ yac atenj mbec tu mac-nga ñapanj. Yac andac Anötö bu kêtj gauc têtj mac e anjalê Nalau Dabuj ndê lêñ tidônj. Ma ñalêñ dinan mac oc anjalê lêñ nañ Anötö tac whinj bu yac dasa-nga, nañ ñapep enj. <sup>10</sup> Yac atenj mbec bu mac asa nem lêñ gitêñ, bu têtj asê bu mac ati Pômdau ndê lau, ma inj oc lic mac nem lêñ honj ndic inj tandô ñayham. Yac atenj mbec bu mac nem akêñ whinj oc nem ñandô ñayham yêc gwelenj honj nañ mac akôm, ma bu mac nem gauc anjalê Anötö-nga êñsôwec tiatu. <sup>11</sup> Anötö ndê ñaclai ti ñawasi atu

kêñ ñaŋga têt mac bu akôm gêñ hon, ma ñawapac bu tap mac sa, dec mac atôm bu alhac ñaŋga ma ahôc ti atac pa su. Ma ambo ti atac ñayham, <sup>12</sup> ma anem danġe Damañ Anötö, nañ gic dabiñ mac e atôm bu awêkaiñ in ndê gameñ ñawê-nga awhiñ in ndê lau dabuñ hon. <sup>13</sup> In kêgaho yac su yêc ñaclai ñasec-nga, ma kêñ yac dambo in ndê Atu nañ in atac whiñ ñandô, nañ ndê gôliñ ñapu. <sup>14</sup> Ma Anötö kêmwasin yac, dec gêmlihi yac ti kêgapwêc yac su yêc sakiñ mêtê sac-nga, ma suc yac neñ sac kwi. Ma datap mwasiñ atu dau sa yêc in ndê Atu dau.

### *Kilisi ti ndê gwelen*

<sup>15</sup> Lau dan sêlic Anötö dom, magoc in Atu Kilisi gêm in aŋgô ma tôc in asê têt yac. In tiñamata gêñ hon nañ Anötö kêñ. <sup>16</sup> Bu gêñ undambê-nga ti gêñ nom-nga hon nañ Anötö kêñ, nañ kêñ ña Kilisi. Gêñ nañ dalic ña tanôn, ma gêñ nañ tôm dom bu dalic ña tanôn, gitôm aŋela me ñalau me gôliñ ma ñaclai tidau-tidau, gêñ hon dinañ Anötö kêñ ña Kilisi ma kêñ tu Kilisi-nga. <sup>17</sup> In tiñamata gêñ hon, ma gêñ hon si ñahu sêmbo-nga yêc in. <sup>18</sup> Ma in gêm gôliñ gôlôwac dabuñ. In ti ñagôlôn, ma gôlôwac dabuñ sêti in ndê ñandô. Ma in muñ gôlôwac dabuñ bu ti ñgac ñamata-nga bu tisa akêñ lau batê-nga. Ma bocdinañ gêñ dan hôc gêlêc in su dom. <sup>19</sup> Bu Anötö gêlic ñayham bu kêñ dau sambuc sip Atuñgac ñalôm ma mbo whiñ in. <sup>20</sup> Ma in kêkiñ Atu dau sip nom meñ bu hé wamba ñamalac ma gêñ nom-nga ti gêñ undambê-nga hon têt Anötö. Ma kwahic dec ñamalac sêtôm bu sêmbo Anötö aŋgô-nga ti yom malô, tu Atuñgac ndê dac nañ kêc siñ pi a gicso-nga.

<sup>21</sup> Muñ-nga, mac ambo ahê têtê Anötö. Mac ambo atôm in ndê ñacyo tu gauc ti mêtê sac-sac nañ yêc mac-nga. <sup>22</sup> Magoc in dau kêmasañ lêt bu Kilisi sip nom meñ ti ñamalac ma mbac ndu, tu bu hê wamba mac têtê Anötö tiyham. Ma in tac whin bu kêt mac alhac in anğô-nga atôm lau dabuñ nañ nem giso ti yom mbasi. <sup>23</sup> Mac bu alhac ti akêt whin ñaŋga ma akêt batam Anötö ndê mwasiñ nañ ñawaê ñayham tôc asê têtê mac, ma ahu siñ dom, dec mac oc atap mwasiñ dau sa. Ñawaê ñayham dau mac anğô su, ma sêhoc asê yêc gameñ hoñ nañ yêc lau Rom si gôlin ñapu, nañ bocdinañ. Ma aö Pol gati ñgac akiñ ñawaê ñayham dau-nga.

*Pol whê ndê gwelen ñawaê ñayham-nga sa*

<sup>24</sup> Ñandê bocke nañ aö gahôc tu wapuc mac nem akêt whin dôn-nga, nañ gahôc ti atac ñayham eñ. Ma aö kayalê bu aö gac waê bu wahôc ñandê ñapañ, tu gwelen nañ aö gakôm tu bu wapo Kilisi ndê ñandô, nañ gôlôwac dabuñ sa-nga. M agoc aö oc wahôc e wandic dabiñ gêt hoñ nañ Kilisi kêyalin sa bu wahôc. <sup>25</sup> Aö gakôm gwelen gam akiñ gôlôwac dabuñ, kakuc lêt nañ Anötö dau kêmasañ dec kêyalin aö sa tu mac-nga, ma kêkin aö bu wahoc ñawaê ñayham asê e Anötö ndê yom tiapa yêc gameñ hoñ. <sup>26</sup> Têtê ñamata-nga e meñ, yom pi Anötö ndê lêt nem lau si-nga, nañ ñahu yêc siñ dau têtê lau nom-nga. Magoc kwahic dec in tôc asê tiawê têtê in ndê lau dabuñ. <sup>27</sup> In tac whin bu lau dabuñ sêtñyalê yom nañ muñ-nga yêc siñ dau, nañ bocdec bu. In bu êmwasiñ mac ñlau gameñ apa-nga bu atap in ndê ñawasi atu sa, dec kêt Kilisi sip nem

ñalôm. Ma gêñ dinan ti mac nem ñahu akêñ batam bu atap in ndê ñawasi sa-ñga.

<sup>28</sup> Yac ahoc Kilisi ndê ñawaê ñayham asê, ma Anötö kêñ gauc ñayham têtñ yac bu akêñ puc ti andôhôn lau sêkêñ whin-ñga hon. Ma yac akôm bocdinañ tu bu andic dabin ñac hon e akêñ ñac sêlhac Anötö anğô-ñga sêtôm lau gwalam akwa sêkêñ whin Kilisi-ñga. <sup>29</sup> Ma aö gakôm gwelen ti gahôc ñandê atu, tu bu wakôm gêñ dau ñandô sa-ñga, ña Kilisi dau ndê ñaclai nan gêm gwelen ñanğa yêc aö neñ ñalôm.

## 2

<sup>1</sup> Aö gawhê neñ gwelen sa têtñ mac, ñahu bu aö atac whin bu mac anjalê bu aö gayêm daun su ñandô tu mac-ñga, ma tu lau Laodisia-ñga, ma tu lau sêkêñ whin-ñga hon nan sêlic aö anôn dom-ñga, nan bocdinañ. <sup>2</sup> Aö tac whin bu mêtê atac whin-ñga piñ mac hon dôñ, ma puc mac dôñ bu alhac ñanğa. Ma yom pi Anötö ndê lêtñ nem lau si-ñga nan mun-ñga yêc sin dau, nan aö tac whin bu mac anjalê tidôn andô, e kôm mac alhac ti akêñ whin ñanğa eñ. Yom dau hêganôn Kilisi. <sup>3</sup> Bu yom ti gauc nan atu andô ma tôm bu êmwasiñ yac-ñga, nan Anötö gêm ahuc yêc in-ñga.

<sup>4</sup> Aö gawhê yom hon dinan sa têtñ mac, ñahu bu aö gatec bu lau ñatô sêmbac yom mac ma sêñsau mac. <sup>5</sup> Bu aö daun gambo gawhin mac dom, tigen yêc aneñ ñalôm aö gauc gêm mac ñapan. Ma aö atac ñayham atu, bu kayalê bu mac akêñ whin Kilisi ñanğa, ma asa nem lêtñ hon ñapep.

*Dasa neñ lêtñ tiwakuc tu Kilisi-ñga*

<sup>6</sup> Mac akôc Yisu Kilisi sa su ti mac nem Pômdau, dec akêñ inñ tiñamata nem lêñ honñ. <sup>7</sup> Akôc ñanğa yêc inñ tòm a nanñ ñawakac gacgenñ sip nom ñalôm gi. Ma inñ ndê ñaclai po mac nem akêñ whinñ sa bu alhac ñanğa, alhac yom ñandô nanñ sêndôhônñ têtñ mac, nanñ ñahô. Ma yom anem danğe Anötö-ñga nem mac ahuc tòm bêc honñ. <sup>8</sup> Ayob daôm ñapep bu lau tasanñ si yom ñambwa-ñambwa êñsônñ mac nem gauc ma êngaho mac su yêc yom ñandô e ati lau gapocwalô-ñga lec dom. Ñac si yom dau ñahu kêkuc abunğaci si lêñ ti mêtê nom-ñga ñambwa, ma menñ akêñ Kilisi ndê dom.

<sup>9</sup> Bu Anötö kêñ dau sambuc sip Kilisi ñalôm, ma menñ mbo nom gitôm ñamalac. <sup>10</sup> Kilisi dau inñ gôlinñ ti ñaclai honñ ñadau. Ma tu mac nem akêñ whinñ piñ mac dôñ am daminñ inñ-ñga, dec Anötö ndê mwasiñ gêm mac ahuc. <sup>11</sup> Kilisi kôm lau Israel-ñga si ðpwac sêsê ñamlic ñatô su-ñga ñandô sa pi mac lau nanñ ati inñ ndê. Gêñ dau hóc asê kêkuc ñamalac si lêñ sêsê ñamlic-ñga dom, magoc Kilisi dau kôm gwelenñ yêc mac nem ñalôm gitôm inñ sê mac nem mêtê sac ñalôm akwa-ñga su giñga. <sup>12</sup> Busanğau nanñ mac alinñ, nanñ piñ mac dôñ am daminñ Kilisi, tòm sêñsuhunñ mac awhinñ inñ, ma Anötö uñ mac sa awhinñ inñ. Gêñ dau ñandô sa tu mac akêñ whinñ Anötö, nanñ uñ Kilisi dau sa akêñ lau batê-ñga, nanñ ndê ñaclai.

<sup>13</sup> Muñ-ñga, mac ambo atôm lau batê tu mac nem sac-ñga, ma tu mac asap mêtê ñalôm akwa-ñga dôñ ñapanñ-ñga. Tigenñ Anötö suc mac nem sac honñ kwi, ma kôm mac ati lau ambo tamli tiyham-ñga awhinñ Kilisi. <sup>14</sup> Tu yac tanğili Anötö ndê yomsu-ñga, dec yac datôm lau nanñ si bapia tốp-ñga yêc, ma datôm dom bu dandic tốp dau, dec tac waê bu

datap matôc sa. Magoc Anötö kôc bapia tôp-nga dau su yêc yac, ma gic pi a gicso dau whiŋ Kilisi. <sup>15</sup> Ma Kilisi ndê mbac ndu pi a gicso dau ti lêŋ bu Anötö ku Sadaŋ ti ndê ŋalau ma ŋaclai sac hoŋ dulu, gitôm ŋgac bata siŋ-nga naŋ kôc ŋacyo si wapa siŋ-nga hoŋ su, ma wê ŋac gitôm lau gapocwalô-nga bu tôte asê tiawê bu ŋac si ŋaclai pacndê sambuc.

*Yom pi ŋagôliŋ nom-ŋga*

<sup>16</sup> Tu dinaŋ-nga dec lau ŋatô bu sêŋgôliŋ yom pi mac tu gêŋ naŋ aŋ ti anôm-nga, me tu om naŋ lau sêlic tôm wake me ayô me yala-ŋg a, me tu bêc Sabat-nga, naŋ aŋgô ŋac si yom dom. <sup>17</sup> Bu gêŋ hoŋ dinaŋ gitôm gêŋ ŋagatu ŋambwa naŋ dalic muŋ su, ma tiŋambu ŋandô meŋ hôte asê. Ma ŋandô dau, naŋ Kilisi. <sup>18</sup> Lau ŋatô sêŋkuc lêŋ ŋalôm akwa-nga ma sêtoc dau sa tu ŋac si lêŋ sem akiŋ Kilisi-nga. Ŋac sêsôm bu sêpu dau ŋandô, ma sem akiŋ aŋela kêkuc gêŋ ŋatô naŋ sêyêc mbê ma sêlic. Lau kaiŋ dinaŋ b u sêpu mac ma sêsôm bu mac nem a kêŋ whiŋ iŋ gêŋ ŋandô mbasi-nga, dec akôte ŋac si yom sa dom. <sup>19</sup> Bu lau kaiŋ dinaŋ sêsap Kilisi, naŋ ti gôlôwac dabuŋ hoŋ si ŋagôlôŋ, naŋ dôŋ dom. Iŋ tawasê piŋ yac hoŋ dôŋ dapitigeŋ, ma gôlôwac d abuŋ kêsôwec ŋa ŋaclai naŋ Anötö dau kêŋ.

<sup>20</sup> Aŋgô su naŋ. Têŋ ndoc ŋamalac d aŋ mbac ndu, naŋ ŋagôliŋ ti ŋaclai nom-nga gêm gôliŋ iŋ tiyham dom. Ma tu Anötö piŋ mac dôŋ am damiŋ Kilisi-nga, dec tôm mac ambac ndu awhiŋ iŋ. Bocdinaŋ tu sake-nga mac ambo atôm lau naŋ sêhêgo dau pi ŋagôliŋ nom-nga? <sup>21</sup> Lau kaiŋ dinaŋ sic yao gêŋ tidau-tidau ma sêsôm bocdec bu, “Akôte dom, aneŋ ti anôm dom, ma amasec dom.” <sup>22</sup> Yom kaiŋ dinaŋ

kêkuc gauc ti ñagôliñ nan lau nom-nga sêndôhôn, ma hêganôn gêñ têm kwahic dec-nga nan tan ti danôm ma gêñ dau meñ giñga. <sup>23</sup> Lau nan sêsôc ñagôliñ kain dinan ñapu, nan sêñkuc gauc ñamalac-nga tu lêñ sênem akiñ Anötö-nga ti sêñgwiniñ dau-nga ma lêñ sêkêñ wapac pi dau ñamlic-nga. Sêtoc lêñ dau sa gitôm lêñ ti gauc atu, ma gauc gêm bu oc ndic Pômdau tandô ñayham. Magoc mba. Lêñ dau hêganôn gêñ awê-nga ñambwa, ma oc tôm dom bu nem ñac si ñalôm kwi e sêhu lêñ ñalôm ñagalac-nga siñ.

### 3

#### *Kilisi ti yac neñ dambo tanli ñahu*

<sup>1</sup> Anötö uñ mac sa awhiñ Kilisi, ma kwahic dec iñ ndöc Anötö ndê andô-nga yêc undambê. Tu dinan-nga dec asa nem lêñ ti tamkwê gêñ undambê-nga eñ. <sup>2</sup> Gauc nem gêñ nom-nga êñlêc dom. Gauc nem gêñ undambê-nga hôc gêlêc. <sup>3</sup> Bu mac ambac ndu su awhiñ Kilisi, ma mac nem ñahu ñ andô ambo tamli awhiñ Kilisi-nga, nan yêc siñ dau yêc Anötö-nga. <sup>4</sup> Têñ ndoc mac nem tamli ñahu Kilisi dau meñ hôc asê, nan Anötö oc tôc mac nem lêñ ambo tamli-nga asê tiawê, ma mac oc alhac awhiñ Kilisi ti ñawasi atu.

#### *Lêñ ñalôm akwa-nga*

<sup>5</sup> Bocdinañ ahu mêtê sac hon nan meñ akêñ ñalôm akwa, nan siñ. Mêtê dau gitôm mac nem ñacyo dan nan kalhac señ andöc tamli-nga ahuc, bocdinañ andic iñ ndu. Mêtê kain bocdec ahu hon siñ, mêtê mockain-nga, mêtê ñadômbwi, ma mêtê sac-sac ñalôm ñagalac-nga. Ma ayob daôm bu añkuc



lau nanj sêkêŋ awa ti wapa nom-ŋga kalhac si gauc ŋamata ŋapanj, nanj dom. Bu lêŋ dau gitôm ŋac sem akiŋ anötö gwam. <sup>6</sup> Lau hoŋ nanj sêsa lêŋ kaiŋ dinaŋ, oc sêtap Anötö ndê atac ŋandê sa. <sup>7</sup> Muŋ-ŋga, mac daôm akôc gauc tôm ŋac lau dinaŋ sêkôc, ma aŋkuc ŋac si mêtê sac. <sup>8</sup> Magoc kwahic dec ahu mêtê sac hoŋ siŋ. Atac ŋandê têŋ lau me alic ŋac sac dom, ŋalôm li sa dom, ma ayob nem whamsuŋ bu asôm yom sac-sac apu lau-ŋga ti yom mayan-ŋga dom. <sup>9</sup> Ma asôm yom tasanj têŋ nem asidôwai dom. Gauc nem bu mac ahu lêŋ ŋalôm akwa-ŋga siŋ su, dec akôm mêtê kaiŋ dinaŋ tiyham dom. <sup>10</sup> Ma asa nem lêŋ ti ŋalôm wakuc. Bu Anötö, nanj kêmasanj ŋamalac bu sênem inj aŋgô sêmbo nom, nanj gêm gwelenj pi mac mbo, tu bu mac atiwakuc, ma tu bu mac aŋyalê inj ti ndê lêŋ gitêŋ tidôŋ. <sup>11</sup> Ma yac lau nanj dasa lêŋ wakuc dinaŋ, nanj dahêgo dauŋ tu yac neŋ ŋahu nom-ŋga tiyham dom. Yac bu lau Grik me lau Israel-ŋga, gai me lau aŋgô batac, lau nanj taŋkuc pwac sêsê ŋamlic-ŋga me taŋkuc dom, lau akiŋ ŋambwa me lau nanj dau sêmbo si gêŋ, nanj Anötö gauc gêm lêŋ hoŋ dinaŋ ŋadaŋ hóc gêlêc su dom. Gêŋ tigenj nanj gêŋ atu têŋ inj, nanj Kilisi piŋ yac hoŋ dôŋ dati inj ndê.

### *Lêŋ ŋalôm wakuc-ŋga*

<sup>12</sup> Anötö tac whiŋ mac ma kêyalinj mac sa ati inj ndê lau dabuŋ. Tu dinaŋ-ŋga dec asap mêtê ŋayham bocdec dôŋ gitôm mac asôc ti nem ŋakwê. Tamwalô lau ma atac apu ŋac ti nem ŋalôm sambuc, aŋgwiniŋ daôm, asa lêŋ malô, ma akôc nem ŋalôm dôŋ. <sup>13</sup> Asa nanj ndê asidôwa kôm sac têŋ inj, nanj kôc ndê ŋalôm dôŋ bu hóc ŋawapac dau,

ma suc in̄ ndê sac kwi. Asuc sac nañ asidôwai sêkôm têñ mac nañ kwi, tôm Pômdau dau suc mac nem kwi. <sup>14</sup> Ma asap mêtê atac whin̄-nga dôñ, bu mêtê dau piñ mêtê ñayham-ñayham hoñ dôñ sêpitigeñ. <sup>15</sup> Kilisi ndê yom malô nem gôliñ mac nem ñalôm. Bu Anötö kêgalêm mac sa bu ati gôlôwac dabuñ tigeñ, nañ yom malô dau piñ mac dôñ. Ma anem dan̄ge Anötö ñapañ. <sup>16</sup> Kilisi ndê yom ñandô nem mac nem ñalôm ahuc sambuc, dec kêñ gauc ñayham têñ mac bu anem la ti andôhôn̄ têñ daôm. Anem wê yêc Buku Wê-nga, ti wê dabuñ ma wê ñatô nañ Ñalau Dabuñ kêñ têñ mac, bu ampiñ Anötö ma anem dan̄ge in̄ ti nem ñalôm sambuc. <sup>17</sup> Gêñ hoñ nañ mac akôm ti yom hoñ nañ asôm, nañ akôm tu Pômdau Yisu ndê ñaê-nga. Ma anem dan̄ge Damañ Anötö tu Kilisi-nga.

### *Damba ti dindai ma balêkoc si ñagôliñ ñatô*

<sup>18</sup> Mac lauwhê, asôc nem ñgaci ñapu, bu lêñ dinañ gic waê lauwhê nañ sêkêñ whin̄ Kilisi. <sup>19</sup> Ma mac laun̄gac, atac whin̄ nem lauwhê ma atigasec ñac dom. <sup>20</sup> Balêkoc, mac dan̄am wambu yom hoñ nañ dinam ti damami sêsôm têñ mac. Bu lêñ dinañ gic Pômdau tandô ñayham. <sup>21</sup> Mac dambai, ali nem balêkoc si ñalôm sa dom. Ayob ñac ñapep tu bu ñac lic ñakam sa e sêtec lêñ ñayham lec dom.

### *Lau akiñ ma ñadaui si ñagôliñ*

<sup>22</sup> Mac lau akiñ, asôc nem ñadaui nom-nga si yom hoñ ñapu. Anem akiñ tu bu mac nem ñadaui sêlic mac ñayham-nga ñambwa lec dom. Mba. Mac nem ñadaui bu sêmbo sêwhin̄ mac me sêmbo dom, magoc akôm nem gwelen̄ hoñ ñapep en̄. Anem akiñ ti nem

ɲalôm sambuc, ma atôc asê bu mac atoc Pômdau sa. <sup>23</sup> Akôm gêɲ hoɲ ti nem ɲalôm sambuc eɲ, gitôm mac am akiɲ Pômdau, ma tôm mac am akiɲ lau nom-ɲga tawasê dom. <sup>24</sup> Mac aɲyalê su bu mac am akiɲ Kilisi mac nem Pômdau, ma iɲ oc kêɲ mac awêkaiɲ nem gêɲ lêɲsêm yêc undambê ti mac nem ɲagêyô ɲayham. <sup>25</sup> Magoc asa naɲ kôm giso, naɲ oc tap ndê ɲagêyô sa. Ma Anötö oc toc ɲamalac daɲ sa hôc gêlêc daɲ dom. Iɲ oc êɲsahê yac hoɲ ɲa saê tigenɲ.

## 4

<sup>1</sup> Mac ɲadaui, aɲyalê ɲapep bu mac daôm nem ɲadau mbo undambê, ma bocdinaɲ ayob nem lau akiɲ ɲapep, ma ɲaôli bocke naɲ gic ɲac ɲawaê, naɲ akêɲ têtɲ ɲac.

### *Pol gêm la lau Kolosi-ɲga*

<sup>2</sup> Anem ali ma asap mêtê datenɲ mbec-ɲga ti danem danɲe Anötö-ɲga dôɲ ɲaɲga. <sup>3</sup> Ma atenɲ mbec tu yac-ɲga whiɲ, bu Anötö lêc gatam su têtɲ yac bu ahoc iɲ ndê yom asê, ma bu awê yom pi Kilisi naɲ muɲ-ɲga yêc siɲ dau, naɲ sa tiawê. Tu Kilisi ndê yom dinaɲ-ɲga dec aö gandöc gapoc-walô. <sup>4</sup> Atenɲ mbec bu Anötö puc aö dôɲ bu wakôm neɲ gwelenɲ ɲapep, ma wawê yom dau sa yêc awê eɲ. <sup>5</sup> Asa nem lêɲ ambo lau sêkêɲ whiɲ dom-ɲga ɲalôm ti gauc eɲ. Ma aɲsalê lêɲ tu bu atôc Kilisi têtɲ ɲac tôm bêc hoɲ. <sup>6</sup> Akôc gauc ɲapep pi yom asôm-ɲga bu asôm yom êmwasiɲ lau ti nem ɲac sa-ɲga, ma aô lau si yom ɲalêɲ ɲayham.

*Pol sôm bu êɲkiɲ Tikikus lu Onesimus sêtêɲ Kolosi sêndi*

7-8 Kwahic dec aö bu waŋkiŋ yac neŋ asidôwa ma ŋgac atac whiŋ-ŋga Tikikus têtŋ mac loc. Inŋ kalhac ŋaŋga ma gêm akiŋ Pômdau whiŋ aö. Aö waŋkiŋ inŋ loc bu ndic miŋ aneŋ yom, ma asidôwai gameŋ dindec-ŋga si yom hoŋ têtŋ mac. Ma inŋ oc nem malô mac nem ŋalôm. <sup>9</sup> Ma aö waŋkiŋ Onesimus, naŋ mac nem daŋ ma yac mba asidôwa atac whiŋ-ŋga naŋ kêŋ whiŋ ŋaŋga eŋ, whiŋ Tikikus têtŋ mac loc. Inŋlu oc sêndic miŋ yom gameŋ dindec-ŋga hoŋ têtŋ mac.

*Pol kêŋ ndê acsalô têtŋ lau ŋatô*

<sup>10</sup> A ristakus, naŋ ndöc gapocwalô whiŋ aö, naŋ kêŋ ndê acsalô têtŋ mac, ma Banabas ndê têtŋgac Mak kôm acsalô têtŋ mac bocdinaŋ. Mak bu hóc asê mac, dec akôm tôm aö gasôm têtŋ mac muŋ su, ma akôc inŋ sa. <sup>11</sup> Ma Jisas, ŋgac naŋ sêsam inŋ ndê ŋaê daŋ bu Justus, naŋ kêŋ ndê acsalô têtŋ mac whiŋ. Ŋac lau tö dinaŋ sêmbo sêwhiŋ aö ma sem malô aneŋ ŋalôm. Ŋac lau Israel-ŋga naŋ sêkêŋ whiŋ Kilisi, ma sem gwelenŋ sêwhiŋ aö ma yac ahoc ŋawaê pi Anötö ndê gôliŋ asê. Lau Israel-ŋga daêsam sêmbo sêwhiŋ aö dom, ŋac lau tö dinaŋ solop. <sup>12</sup> Ma Epapras, Kilisi ndê ŋgac akiŋ, naŋ mac daôm nem daŋ, naŋ kêŋ ndê acsalô têtŋ mac bocdinaŋ. Inŋ tôm bêc hoŋ teŋ mbec tu mac-ŋga bu mac alhac ŋaŋga atôm lau gwalam akwa akêŋ whiŋ-ŋga, ma asa nem lêŋ hoŋ tôm Anötö tac whiŋ. <sup>13</sup> Aö wasôm yom ŋandô têtŋ mac bu inŋ yêm dau su ŋandô tu mac-ŋga ŋapaŋ, ma tu lau sêkêŋ whiŋ-ŋga naŋ sêmbo malac Laodisia ma malac Hierapolis-ŋga bocdinaŋ.

<sup>14</sup> Luk, dokta naŋ yac atac whiŋ, lu Demas sêkêŋ si acsalô têŋ mac whiŋ. <sup>15</sup> Akêŋ yac mba acsalô têŋ asidôwai Laodisia-ŋga, ma têŋ lau sêkêŋ whiŋ-ŋga naŋ sêkac sa yêc Nimpa ndê andu tu sêlic om-ŋga, ma têŋ Nimpa dau bocdinaŋ.

<sup>16</sup> Têŋ ndoc sêsam bapia dindêc têŋ mac su, naŋ akêŋ têŋ gôlôwac dabuŋ yêc Laodisia bu ŋac sêsam whiŋ. Ma bapia naŋ aô gakêŋ têŋ ŋac, naŋ sêkêŋ têŋ mac asam bocdinaŋ. <sup>17</sup> Asôm têŋ Akipus bu sap sakiŋ naŋ Pômdau kêŋ sip inŋ amba, naŋ dôŋ, ma kôm ŋapaŋ e ndic dabiŋ.

<sup>18</sup> Aneŋ ŋaê Pol dec, gato ŋa aô dauŋ amanŋ. Aô gacgeŋ gandöc gapocwalô, dec wandac mac bu gauc nem aô. Anötö ndê mwasinŋ whiŋ mac hoŋ.

**Anötö ndê Yom Lêñsêḿ Wakuc**  
**The New Testament in the Bukawa language of Papua**  
**New Guinea**

**Nupela Testamen long tokples Bukawa long Niugini**

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

---

PDF generated using Haiola and XeLaTeX on 21 Apr 2023 from source files dated 9 Oct 2020

545e5ca3-1e95-59e4-8380-93951e023cf7